

在京軍民人等作踐街道損壞城牆等項九
門枷號例

成化八年九月十八日大理卿王 等奏為巡捕事該
刑部四川清吏司發審犯人祁旺犯該違

例減等杖九十照例納鈔完日着役審擬合律查得近該工部
奏稱京城街道連年修理有勞人衆今後故違者拿
送法司問罪明白枷號等因具題奉

聖旨是欽此今問祁旺前罪欲照前例枷號示衆但無奏定
枷號日期合無將本犯及今後有犯者俱各問罪押
赴掘坑處所枷號示衆一箇月滿日仍照常例做工
等項發落奉

聖旨是錦衣衛着一百五十斤枷枷號九門號令每門五日滿了
照原擬發落欽此